

漢城縣志

沿	革	志	第一冊
興	地	志	
職	官	志	





監修 雙城縣知事 高文垣



監修 城縣知事 畢道恭



分 輯 張 瑛 書




升 逆 蔡 尹 逆 江 濱



東北陸軍第六十師師長于琛澂



選 文 報 使 庭 監 省 三 東



奉 天 省 長 莫 德 惠



直隸全省菸酒事務局長楊振壽



總 修 張 嘉 銘



分 輯 李 桂 霖

雙城縣志序

雙城以今縣城東南有二古城得名前清嘉慶十七年移駐京師八旗於吉林拉林西北八十里雙城子地方墾荒試種二十年實行屯田設協領管理各旗戶遂名雙城堡是爲雙城設官之始光緒八年增設理事撫民通判改雙城廳宣統元年升爲府民國二年政府定制各省之府廳州一律改縣置道分轄遂於是年三月改爲雙城縣隸濱江道屬是爲雙城改縣之始從前軍制時代雙城荒寒僻壤民鮮族居地廣人稀絕無布置自分土設治以後十年生聚十年教養文物之興駸駸日盛光緒三十四年戊申夏許君元震知雙城府事乃延攬耆宿搜集掌故以及地方風土人情編輯鄉土志一書原編六卷重修二卷凡八卷是爲雙城有志之始民國十年高君文垣知雙城縣事復有創修縣志之議籌辦經年即卸任踵其事者爲田君雨時繼續監修閱四年而告成將以付梓乞序於余余披閱一過是書爲四冊凡十五卷卷首冠以圖圖有五於沿革頗詳每卷爲一志曰沿革曰輿地曰職官曰政治曰賦

役曰禮俗曰物產曰教育曰實業曰交通曰宗教曰人物曰列女曰藝文曰拾遺綱
舉目張謀分縷晰搜羅之勤有足多者竊謂志書之作非僅侈陳美備實有寶貴土
物考鏡得失之至意東省豐蔀臺理戎索分縣撰志尤不可緩余承乏是邦通檄各
縣着手編志用意蓋自有在雙城開闢較早綰轂西北形勢尤爲扼要是書之成雖
事屬草創徵文考獻或未詳盡然大輅椎輪作始必簡斟酌損益自是後起之責固
不能以此自畫也中華民國十四年乙丑夏六月吉林省長王樹翰

去今百餘年前雙城蓋一荒陬耳度惟荆榛莠莽隨時封落狐狸鼯鼯自然孳育而已所可徵爲遺蹟亦祇古城十數殘基剩壘崢嶸峙於江河之側爲前代證驗無城郭無人民記載更無論矣自清嘉慶間吉林將軍富公建議撥丁屯田親董其事招徠撫輯生聚教養富庶旣臻人文斯茂不百年間蔚爲大邑今則千邨星拱萬突烟騰鱗櫨櫛比溝塍綺錯習於耕稼故風俗淳樸而勤儉是尙漸漬於文教故士氣綽厲而衣冠以盛回念當日芟刈草萊區分廛里計夫授畝度地爲市營治井屋招致工商其肇廬啓闢之勤豈可念焉古者自趙充國以後言屯田者衆矣魏設典農中都足食晉開汝潁河沛委儲他若富民拜侯都子命使置尉金城提督紅牌或塞要邊或耕廢墾亦不過列屯戎嚴邊備積餼秣省輸輓權一時之宜而已未有涉及久遠者也惟富公之設屯斯邑實以屯田之名爲殖民之業故敢徇於一時垂之百世其規模之宏收功之大誠超越歷代屯田諸賢以上嗚呼遠已士大夫有功於鄉社則祀之況此擊鼓城曹定方作楚者乎乙丑春邑人張君子明編纂縣志書成將付手

民辱以余爲知言丐序於余余維雙城之有今日實始於富公故以此弁諸簡端亦不敢湮沒賢者之意耳民國十四年三月邑人蔡運升序於濱江道尹官廨

序

志爲一邑傳信之書上以備輶軒之采下以資佐治之方爲之宰者靡不藉爲鏡觀成爲掌故用授司存不可缺焉雙城爲兩漢夫餘地自遼金迄清初墾野荒原榛狉未改嘉慶末葉朝議移駐京旗爲滿族謀生計始申畫郊圻建設旗署邑東南舊有古雙城子因名雙城堡屯界外有贖圈餘荒准漢人墾殖是爲雙城開闢屯墾之始厥後生聚日繁庶務紛躋光緒八年添設理事撫民廳管理滿漢事務是爲雙城設官分治之始宣統元年升廳爲府民國二年復改爲縣其間屢經沿革歷今百有十餘年矣乃纂述曠邈志乘闕如雖兩次編有鄉土志類多簡略而官於斯者又皆以官爲傳舍邦人士無從而倡之文無典籍之考徵獻無耆宿之諮述誠爲憾事歲乙丑迺恭來宰雙城下車問俗邦人以志書稿進一再展誦知剏始之維艱閱幾許時期經營慘澹其有補於地方治理非淺也先是邑令高君霽雲奉令修志羣議僉附稅局楊君幼琢尤力贊之甫設局編輯未幾而高楊同時去職繼高任者田君潤之

復勤勤以志乘爲先務邑紳張君子明篤學能文前鄉土志咸出其手因聘爲編輯主任且屬黃君子和李君翰芳等共襄厥事蒐采編摩殫精竭慮凡期年而稿脫將付手民而田君又去垂成之志未竟全功古云創者難成者亦難信哉迺恭初蒞雙城懼奉職之不稱慄慄於治理之無方今有是志其喜爲何如夫雙城介長哈之間鐵軌中貫文化輸入民氣嶄新農產商業亦日益豐盛綜而紀之均足爲守土者之取資豈僅訪遺蹟搜軼聞辨別星野山川爲瀏覽之助而已乎迺恭不敏未克親與參訂而得觀厥成居然附諸君子之後亦榮幸矣非敢掠前人之美而襲取之也爰書崖畧用殿各序民國十五年孟秋中浣奉天靖侯賈迺恭